

# Protocol fat bun da la radunanza cumünala dals 7 october 2010

**CUMÜN DA SENT**

**GEMEINDE SENT**

**Protocol no. 9**  
**Radunanza cumünala dals 16 settember 2010, 20.15 – 21.50**

Preschaintas: 22 persunas

Il capo constata cha la radunanza saja gnüda convochada in basa a nossa constituziun cumünala ed orientescha chi saja ruot in dumengia la lingia d'aua a Pradè. Cun quai cha quista lavur necessaria ha da gnir fatta ha il Cussagl cumünal decis da dumandar in quista radunanza il credit correspondent. El dumonda sch'inchün haja da far objeczius. Sainza chi vegnan fattas objecziuns, vegnan nominats seguaints scrutinadurs: Urs Domenig e Johann Martin Taverna.

---

## **Protocol**

Il protocol no. 8 da la radunanza cumünala dals 8 lügl 2010 vain approvà.

---

**1 710 INFRASTRUCTURA**  
**Lavurs d'infrastructura Archas Sura- Credit da fr. 150'000.--**

Il schef d'aua, chanelisaziun ed electric orientescha in detagl sur da quista lavur previssa illa infrastructura cumünala. Ils cuosts as cumpuonan seguaintamaing:

Chanelisaziun: Fr. 10'000.--  
Aua: Fr. 65'000.--  
Energia: Fr. 75'000.--

La radunanza cumünala decida in scrutin serrà, cun 21 cunter 1 vusch da far bun il credit da fr. 150'000.-- per la lavur manzunada aint il titul.

**2 710 INFRASTRUCTURA**  
**Rimplazzamaint da la lingia d'aua a Pradè – Credit da fr. 55'000.--**

Il schef d'aua, chanelisaziun ed electric orientescha in detagl sur da quista lavur previssa illa infrastructura cumünala. Ils cuosts as cumpuonan seguaintamaing:

Impressari: fr. 8'500.--  
Sanitari: fr. 42'500.--  
Refar catram: fr. 2'500.--  
Imprevissas: fr. 1'500.--

La radunanza cumünala decida in scrutin serrà, cun 22 cunter 0 vuschs da far bun il credit da fr. 55'000.-- per la lavur manzunada aint il titul.

**Orientaziun – Ledscha da pulizia**

Il schef dal departamaint da pulizia, Georg Salomon infuormescha in detagl sur da la ledscha da pulizia previsa. Dürant bundant ün on ha üna cumischiun elavurà la nouva ledscha da pulizia. Quella es statta a partir dals 28 lügl 2010 per 30 dis in consultaziun.

Las propostas entradas sun gnüdas trattadas e per part integradas illa ledscha. Quista ledscha fa dabsögn, per cha la pulizia chantunala possa accumplir las incumbenzas pulizialas surtuttas dal cumün. In quista ledscha vain reglà il seguaint:

- Protecziun da las chosas publicas
- Videosurveglianza da las deponias d'immundizchas
- Uorden e quietezza
- Protecziun da la sgürezza publica
- Prescripziuns stradalas e da pulizia da trafic
- Prescripziuns in regard la pulizia sanitaria
- Masüras da protecziun per la giuventüna

Seguaintas propostas vegnan fattas da la radunanza:

1. l'artichel 44 vain definà il consüm d'alcohol e da nicotin d'uffants e giuvenils. Il tema drogas manca.
2. Integrar i'l artichel 45 l'importanza dal sain da not.

Il Cussagl cumünal piglia incunter las propostas e prouva da tillas integrar.

Georg Salomon ingrazcha a la cumischiun (Men Werro e Mario Zanetti) per la buna collavuraziun.

**Varia**

Ingüna.

L'actuar: